

**David Flepp** crescha si a Danis-Tavanasa e viva cun sia famiglia puspei leu oz.

Suenter haver luvrau en sia emprema clamada sco magister sil scalem superiur seperfectiunescha el sco pedagog da teater en studi supplementar. Oz lavura el en quella funcziun cun scolar:as da tut ils scalems dalla scola populara, dil scalem gimnasial e cun gruppas da teater regionalas.

Sco actur eis el da veser ton sin tribunas da teater sco el film. Sias novissimas lavurs ein la rolla da Felix Neuhaus ell'episoda der Katzenfisch dalla secunda stafra da *Maloney* per SRF, la rolla dil genau Conrad el musical romontsch dad Armin Caduff *Plaun Salter*, la rolla da Niklaus Lauretz dil teater el liber *Via Mala* el casti da Haldenstein, la rolla dad Adam Quadroni en *ruuch oder riich - eine Befindlichkeitsshow* von Georg Scharegg. Per sia interpretaziun dalla rolla dil veterinari Gian Marco ell'emprema seria da web romontscha *Metta da fein* vegn el nominaus ella rubrica "best supporting actor" tier la 7th Serial/Hessischer Rundfunk.

Ensemen cun sia dunna Annadora Friberg eis el sespecialisau en lavurs da teater cumplessivas ed interdisciplinaras sco animatur da cultura, menader artistic e reschissur. Sco per exempel en *Oh tavanasa - ina story denter sulegl ed umbriva*. Ausstellung und Musiktheater im Freien. In spitachel pigl anniversari da 1250 onns Danis-Tavanasa. Ni en lur novissima lavur communabla *FAUSTA piuniera* – 150 onns turissem a Breil/Brigels – *eine Hommage*.

Parallelamein cun quellas lavurs da teater eis el duront 10 onns engaschus en pensum parzial tier la Lia Rumantscha, e quei sco promotur regional en Surselva.

Dapi igl atun 2023 lavura el cumpleinamein sco actur e pedagog da teater independent.